

Chindoto na Amaroro

Aramisi, 7.7.2016

Obochenu ase Omotongi O Kare na Kare!

CHINDOTO NA AMARORO

na

Jeanine SAUTRON

araririe na

Roy LEMKE

EKANISA YA FILADELFIA,

“ENTIGARI,”

eyio erendete **AMACHIKO**

a **NYASAE** amo **N'ESABATO YERITUKO**

RIA GATANO NA KABERE,

amo **NOKWEGENA** kwa **YESO.**

OKWEGENA KWA YESO,

NIGO KORE OMOIKA

BW'OBOBANI.

Chindoto na Amaroro

Egesieri 512-2, Amaroro Namba 1

⁽¹⁾ **EKERONGA KI'EORA:**

ENSE NIGO EGENDERERETE KOMENTA

KOBA NERIBERERA,

EBARAFU NIGO EGENDERERETE

KONYITITOKA NA GOSIRA.

⁽²⁾ Chinyoni chi'erioba, chinswe chia nyancha na echie chindooche nigo chigendererete gokwa.

**Tari ng'a nembeo eria etari engiya
tokoeyana ekorokwa CO₂.**

Nerioki

rikorwa ase ekeronga ki'eora.

AMARORO

⁽³⁾ Omotomwa one agantebia, “Inchuo, ngokoirira nde Amazonia, ime ase rinani ria Amazonia, erio rire riaa (lung) ri'ense.

⁽⁴⁾ Ekeri twaigete aroro, tinachiete komochania insoe ase rinani eri rinene mono.

⁽⁵⁾ Agantebia, “Inchuo, ntunyane; rigereria naende tokuna kende gionsi.”

⁽⁶⁾ Nkarora ching'iti chingenda inse chisung'unaine igoro ase chinsagia chi'emete.

⁽⁷⁾ Togataara, na togaika ase obokangare, erio tokanyara korora risase.

⁽⁸⁾ Nkarora chimbata chi'orosana. Ngakumia ng'a nao chiarenge aroro agwo. Nigo chiarenge konywa amache amachabu, amamwamu ti, asaregete, ayio arenge korwa ase ense.

⁽⁹⁾ Omotomwa one agantebia, “Amache aye nigo aichire ne chifairasi chia kera engencho, ebiini ne chisumo. Tobaisa kogenda ang'e naró.”

⁽¹⁰⁾ Nkarora ebisusu bigocha aroro konywa amache. Boigo chinchiro amo neching'iti chikwagura nchiarenge. - Agantebia, “Bera aiga, ngochiande korigereria gochia are mono.” - Akang'inyoria, “Tokuna kende gionsi, *nonya* nemete.”

⁽¹¹⁾ Nkaba nde nomogoko ekeri namoganyete, agacha na agantebia, “Inchuo, ntunyane. Ngochia tore korora gochia are mono.” Togaika aase, na agantebia ndigererie.

⁽¹²⁾ Nkarora chinyoni chia kera engencho chigoika erio konywa na koria. Amaroro aane agatigara egeka egetambe ase chimbata, naende tinchieti gochirora rinde. Amaroro aane akaba arochie gochia ase chinyoni chie chingencho ao ao, amo ne chituoni nechingoko, chimbata-musinga, chinbata chiria chitugire echio chiabarire ase egati yabo. Chinyoni chionsi chi'erioba nigo chiasangererekante agwo.

⁽¹³⁾ Nkamoboria riborio, “Ninki giachirenta igaa aase aya asiru?”

⁽¹⁴⁾ — Akang'iraneria, “Nokoboko kwa Nyasae gwachirenta amo aiga ase engencho y'amaroro, buna riria asangereretie ching'iti chionsi chie chingencho ao ao ime ase obwato bwa Nuhu. Ase igo, chinyoni echi nigo chire aiga ase engencho y'esababu gete ya beene.”

⁽¹⁵⁾ “Rigereria, korende kobua onsi, tobaisa gochia aang'e nase chire, tobaisa goaka riogi rinde rionsi. Korwa igaa nigo tochiroche buya mono.”

⁽¹⁶⁾ Chimbata chi'orosana nchiarenge. Chinyoni ne chinyoni, noboseera bokang'ana naki! Goika narenge gokira kiri erio nario ntachigose.

⁽¹⁷⁾ Nkamanya ng'a chinyoni chionsi nigo chiarenge gocha chianywa amache na kogenda. Nigo chiarenge gocha ase obonge. Noboseera bokang'ana naki! Nkagania ng'a kanga chinyoni echi nchiaba egeka geke ake, korende nkarora ng'a, nyuma y'okonywa amache, nigo chiarenge

kobwatekana kogenda ase enchera y'omoberio, kera ekero nigo chiare kogenda nke nke. Chituoni chianka ne chingoko chioka nachio chiatigarete. Nkaumata, ekiagera nigo chiatigarete chioka, nechinde konya chiachire.

⁽¹⁸⁾ Agantebia, “Nigo ere bokiriru. Ekio nigo kere egento ekegeni asore, oyo nomoroberio bw'omoerio bw'ebinto bionsi bire moyo igoro ase ense oyio ochakire. Chinyoni echi, naende nonya ne chituoni amo ne chingoko, chiabekeirwe eubi nerioki, ne chigasi, ne chifairasi, chigosoka korwa ase erioki ri'ekeronga ki'eora y'*Okomaanoka* 9, ebibungo 2 na 3. Kera egento igoro ase ense, nonya mwanyabanto, chinyoni chionsi, amo ne ching'iti chi'ebitii amo na amanani, chifairasi chiachibekire eubi.”

Chindoto na Amaroro

Egesieri 512-2, Amaroro Namba 2

AMARORO

⁽¹⁾ Omotomwa one agantebia, “Bono chiabekirwe eubi nechifairasi, nechigasi, nebiini ebibe mono, bi'okoondokia, okage ng'a ne radioactivity eyio otarochi. Omoroberio bw'omoerio ochakire.” — Nkarigereria chinyoni echi chikogenda eyemo eyemo.

⁽²⁾ Agantebia, “Engaki yachakire ekero egento ki'engencho enene mono kerakorekane; negendererete. Chinyoni, ching'iti chionsi chimenyete igoro ase ense na ime ye chinyancha, naende nonya nabanto, bakunirwe ne chikansa chia kera engencho.”

— **Amache**

— **Embeo**

— **Chindagera**

biabekirwe eubi. Bionsi biachakire kwama amatunda aya, bikworokia abamenyi b'ense *barore* ng'a **omoerio bw'ebinto bionsi ng'ang'e ore.**

⁽³⁾ “Naki Nyasae ochakire konacha ebina biaye bia boronge igoro ase ense,” omomalaika oyo agantebia, “nendamwamu.”

“Onde tari oraminchorie!

Onde tari oraminchorie

korwa ase endamwamu eye!”

⁽⁴⁾ Abanto bamenyete igoro ase ense eye boigo mbabe buna chinyoni echi; nigo barakwe goetera ase eburusi ebi ebibe. Chisumo chire ime ase amache, ne chigasi, ne **chikansa chia kera engencho nchibaite buna radioactivity.**

⁽⁵⁾ **Ogokwa kwa mobosokano nkobeo ase ching'iti chianka ase chilifu, egiateko kia amarwaire igoro ase ense. Amarwaire nesiarere ase ense yonsi:**

Onde tari oraminchorie!

⁽⁶⁾ Ase amaroro, nkaba kinde aare korwa ase **chinyoni echi.** Ngataka gocha aang'e. — “Onye kogochiika ang'e,” omotomwa one agantebia, “nigo orakwe, obekerwe chisumo. Nigo oratware kansa, nigo oratware kansa.”

⁽⁷⁾ Akanyeres, “Emebere yabo nigo egosiarera ebiini ebisinini bikorokwa chifairasi ebio bikorenta amarwaire akwambokera ebinto bia asiri eyemo. Endamwamu eye ya Nyasae tegotiga kende gionsi kerorekane ng'a aya iga nkooroka are korwa ase ekeronga ki'eora (egesima). Nigo kerabe egento kiabobisi. Kende tikeri keraoorokie ng'a ngokwa bare. Ko nonya nabo, egento nkere kiagerete bigakwa. Nigo kere omoori bw'erioki rikorwa ase ekeronga giasie. Amakwege (kansa) nao akorwa ase emeoori y'amarioki aya.”

⁽⁸⁾ Agantebia, “Nigo kere egekone, kia bokiriru,

rimisu rigotioka bobbe tiriyo, buna chinguru chikorwa ase ebinto ebisinini mono echio chigosaria omobere chikorokwa radioactivity. Tori gokeigwa, tori gokerora; korende nonya nabo, amakweri nigo agoetanaine. Na abanyene oboronge mbabe moyo ase obuya bwa Nyasae.”

⁽⁹⁾ Ase enchera eye egiateko ki'amarwaire agwesiarera ense yonsi ye chifairasi echi, echio chikoirwa ne chinyoni echi, nambokere abanto; na nigo erabe obokong'u obonene obwo monto onde atanyare gokonya.

Chindoto na Amaroro

Egesieri 512-2, Oborori Namba 3

OBORORI

⁽¹⁾ **ENGORO Y'EKERONGA KI'EORA**

⁽²⁾ Ekero nateneine ensemo ase YESO

ase ekeronga ki'eora na bosio bw'engoro eye

eyio yarengwe gosiara emeika ebwate chisumo, emioki na amarioki, Yeso akang'orokeria ng'a chifairasi nigo chiarwete ase ekeronga eke ki'eora. Ime ase ekeronga eke ki'eora, chifairasi echi nigo chigoita, buna radioactivity. Ekeronga eke nigo gekwambokeria kansa (amakwege).

⁽³⁾ Akang'orokeria ng'a ebiini bie chifairasi chi'ENYAMOREO, ne chifairasi chinde chinyinge nigo chiarwete ase egesima eke na chigiesiarera ase embeo, chikambokera ching'iti, boigo nabanto bariaatabawati egetango ase ogokora ebibe. ENYAMOREO nigo ere efairasi y'endamwamu ya Nyasae igoro ase ense. Ngoetera ase chifairasi nao ense eranyore obokong'u obwo onde atanyare gokonya.

⁽⁴⁾ Ase oborori amo na Yeso, nkaigwa chinguru chi'amache chitoetanaine buna amache agosegesa korwa inse na agototuba. Inkarora etukia ya YESO nechiganchwa chiaye chikoirurkigwa mono goika agantebia, **“Obuya bwane bwagoisanire! Inche nigo nkorokwa Yeso, omwana o Nyasae, Ninche Omotongi O Kare na Kare! Nyasae bw'obotongi.”**

⁽⁵⁾ Nigo nare koiguswa. Akademia: **“Enkoro yao ngoaka ere, nigo ore moyo, korende tokonyara koeyana. Nao ore aiga ase ekeronga ki'eora nomwana o Nyasae, Omotongi O Kare na Kare. Ebinto bionsi nigo biatongetwe na Nyasae. Nigo twarengwe abanto batato:**

Tata, Inche omwana, na omoika omochenu.”

⁽⁶⁾ Ase engaki eyio eyio, nenyorire inche omonyene bosio bwa YESO, omwana o Nyasae, INCHE NINCHE omonene, Omotongi O Kare na Kare. Obogima bwane nigo bwarengwe ase amaboko aye. Kanga nigo nakwete ase oborori obo, korende YESO nigo arengwe kondenda kera engaki.

⁽⁷⁾ Agantebia, **“Rigereria ekeronga eke.** Nigo tore ang'e mono *nase kere.*”

⁽⁸⁾ Ekero nachete aang'e mono ase oborori bwane, nkarora omonwa omonene mono, na erioki ribwatekaine rigosoka ne chinguru korwa ase ekeronga ki'eora, nomoika, nomoki bigosoka korwa ase egesima eke. Endumo y'eriogi rinene ekaigweka ase aya. Nigo chiare chinguru chi'erioki eri rinyinge mono erio riare gocha ne chinguru chinene korwa ase egesima eke; na nigo twarengwe, Yeso amo nainche, tobisirie ime y'erioki, nomoika, na omoki ebio biarengwe gosoka korwa ime yaye. Inkarora chirangi chi'omokubinyongo chikoburukana namache aya amachabu are ime y'ekeronga ki'eora.

⁽⁹⁾ Korwa ase ekeronga eke ki'eora nkaimokereria amaiso aane gochia igoro na nkarora, erioki erio riarete aase agare, riare buna omoori omogare bw'erioki, erio riachongororogete korwa ase ekeronga eke na nigo riarengwe gotogota. Erioki eri riarete aase agare erio riare gosamba, riichire nemeika ye chisumo, ne chifairasi chia kera engencho, nobobosu (namatosi), ebio biasiekeire ime ase ekeronga eke, nigo biare gosoka isiko na gwesiara gochia ase enyancha na gochia ase erioba igoro.

⁽¹⁰⁾ Omoori oyo bw'erioki eri nigo orengwe omogare oyio orengwe kogenda gochia igoro mono gochia ase eang'a, na gwesiara, naende riagwa igoro ase ense.

⁽¹¹⁾ Nigo kiare egekone ime y'endiba y'ekeronga eke. Ase oborori nkanyara korora egento eke gekogokia mono, ekio getari kororekana na mwanyabanto. Nigo riarengwe ribaga rigiya/egesio ekiya korora ekio, erio nario ndanyare goteba, buna YESO anyeresete: **Teri embeo eria tokoeyana gochia isiko (CO).**

**Nigo kere ekeronga KEIGOIRE (egesima)
ki'egetureri kia gatano**

gi'Okomaanoka kwa Yohana. Nigo bire ebina bia boronge bia Nyasae igoro ase ense:

**Nigo ore omoori bw'erioki ria Nyasae,
omoori bw'erioki ri'amakwege,
buna radioactivity.”**

⁽¹²⁾ Ayio nare arengwe amang'ana a YESO. Nigo bire ebina bia boronge bia Nyasae.

Chindoto na Amaroro

**Egesieri 512-2, Oborori Namba 4
AMARORO**

⁽¹⁾ Ase ekeronga eke ki'eora, YESO agantebia, **“Oyo nomoerio bw'ense! Engaki yachakire ekero egento ki'engencho enene mono kerakorekane. Kera ase ntorore eki egetureri kia gatano kegokora.”**

⁽²⁾ **“OMOERIO bw'ense**

ng'ang'e ORE!

⁽³⁾ **Okororekana gw'ense nkogenderete goonchoreria. Ense nigo egenderete gokwa.”**

⁽⁴⁾ Nkaimokereria amaiso aane gochia igoro. Nkarora risase ribwate okobua kw'omoro ore ne chinguru kobua buna botambe; na igoro ase ense, omorakera ogakora ense ekoma pa buna egongereti eria bakwaagachera chinyomba. Boraya neyie.

⁽⁵⁾ YESO agantebia ng'a ebimanyererio mbibe ase risase, ase omotienyi, na ase ching'enang'eni.

⁽⁶⁾ Ebirengererio biane bikairana gocha ase ense. Inkarora egurugura y'ogokumia. Kera aase riroba rikaba *buna* ekenye ase chinchera abanto bagotaara namagoro ase emechie emenene. Amache nigo arenge goonchoreria aba omoika erio airuruka korwa ase riroba. Riroba riarenge gosimekwa chindagera rikaba omokenye. Kende tikeri kiare gosimekwa aroro naende. Kera aase enchara nigo yarengo, chisege, ogotaiwana kw'abanto, emeroberio ekarema, chiamate nigo chiare gokwa ase engencho y'okoremerwa endagera.

⁽⁷⁾ Inkagenda ase oborori amo na YESO.

⁽⁸⁾ Nkarora omoremi oyio orange koremia chieeri ase omogondo oye. Nigo orange omogare na omonene mono.

⁽⁹⁾ Akabogoria amaroba ase egesanyi gi'okoboko kwaye na agantebia, "**Oyo nomokenye. Emegondo nebe buna omokenye. Ase engencho y'erioki eri rikorwa ase ekeronga ki'eora, kende tikeri kerame.**"

⁽¹⁰⁾ YESO omoruoti bw'obogima, agantebia,

"Omoerio ng'ang'e ore!

Engaki yachakire ekero egento ki'engencho enene mono kerakorekane."

"Oyo nomoerio bw'ense!

Nigo ore aang'e mono, aang'e mono buna totayokagereti."

⁽¹¹⁾ Inkaba ase oborori. Nigo narenge Fransi.

⁽¹²⁾ Endagera tiyarengo. Chisupamaketi chinene nigo chiasiekire. Amache tarengo, nonya nendagera. Chiamate nabana babo nigo baganyete endagera ase chirori chigotenenigwa.

⁽¹³⁾ Nkarora, buna ndiria esegi ere. Kende naende tikikiarengo gekoregwa. Nkarora ng'a kera eamate nigo yabwate etigiti ekobaa ribaga ri'okoba nebisi y'okonyora endagera, koreng'ana nokogania kwabo.

⁽¹⁴⁾ Inkarora chindoo chiichire omosori, na omotogotogo. Abanto nigo bare kobekerwa endagera monwa, omonwa oyomo bw'omosori erio tibakwa. Okorema kw'endagera nkwarengo. Nigo yarengo enchara endoro se.

⁽¹⁵⁾ Inkarora kera aase abasasiroti ba katoliki bagocha gotebia ababwatani be chiparishi basabe. Nigo barenge gosaba ase chinchera chi'emechie emenene. Nkarora amanoti amange mono ye chibesa ayio arenge goturunkana igoro ase chirami chie chinchera chinene, akoirwa nembeo. Nigo yarengo omoichano. Amache amaya y'okonywa atari

neubi nigo aborete, kera egento gekaba esumo, geichire nechifairasi, namoba amaroro se.

⁽¹⁶⁾ Nigo yarengo engaki y'emechando; buna ndiria Fransi konyora yarwanigwe, etatigeire kende nonya ngeke eki chiamate chiabo chiare koria amo nabana babo *otatiga* etigiti ye chikilo chinyinge chi'endagera ase kera omonto, engaki y'emechando.

⁽¹⁷⁾ Yeso agateba ng'a ense nigo agendererete gotenga egoetanana esanduki yaye y'egetondo. Agataka gontebia ng'a ense terearigania ase obokong'u obo obwo borabachere buna omokungu okobina.

⁽¹⁸⁾ YESO omoruoti bw'obogima, akabora, "**Ebinto nigo birache bwango mono, buna omokungu ore morito okobina:**"

Onde tari oretoorie!

Abanda buna abataka,

obogima tibokobao!"

⁽¹⁹⁾ Narorire engaki eye y'emechando, eyio ense etarearigania koumerana nero: enchara, okoremerwa amache nendagera, endagera y'obsie eyio ngaki ende ekoburukanigwa namagena tiyarengo, engano tekobao. Chinchoke nachio chirabe chintang'ani gokwa. Chinchoke echi nachio chirabe echie rintang'ani gosira. Engaki yachakire ekero egento ki'engencho enene mono kerakorekane.

Ogosirigwa nigo korabe mobosokano, na gotakageiri.

Chindoto na Amaroro

Egesieri 512-2, Oborori Namba 5

AMARORO

⁽¹⁾ Nkorokigwa, chinchoke nachio chirabe chintang'ani gosira ase obotongi. Eke negekombe ki'endamwamu ya Nyasae. Naende nonya ere akong'u ase chire konyora chifairasi, oboke bwabo nigo borabe **ESUMO**. Nigo chirasangererie omwange korwa ase amaoga ayio abekirwe esumo goetera ase ekeronga ki'eora, na oboke bwabo nigo borabe esumo.

⁽²⁾ Ogoakwa konde gokangosa: chingi chibwate obosongo chikaroisia oborangeti machani igoro ase ense. Ninki gekogera oborangeti bwe chingi bobo inse?!

⁽³⁾ Nigo chiarobereiri chite ching'iti chiria chitugire ase chinka. Nigo chiare korigia, chikong'useka nerimisu rie chitugo chitugire ase chianka. Nigo chiare gosiaroka chiite. Nigo chiare gotaara amaroba igoro buna abasigari, chibagaine ebikundi ebikundi.

⁽⁴⁾ Chikang'ichania mono, oborori bogasira.

⁽⁵⁾ YESO akang’orokeria ng’a chingi chigoita nchibeo. Nchiite chitugo chitugire, chibarasi, chisese, nebimoni. Ase egesusuro ki’endamwamu ya Nyasae, chiarobererigwe chichisirerie inse.

⁽⁶⁾ **ENGAKI EYE Y’EMECHANDO**

NG’ANG’E ERE!

Nao ere igoro ase ense.

⁽⁷⁾ YESO agateba,

“Onde tari oretoorie!”

⁽⁸⁾ **Oyo nomoerio**

bw’ense.

Nigo okona gocha.

Ngochicha ore!

⁽⁹⁾ **Emetienyi meke etigarete** obe bosio bw’ense.

⁽¹⁰⁾ **Yeso oorokirie** goetera ase *Chindoto na Amaroro*:

Oyo nomoerio bw’ense!

Nigo okona gocha!

⁽¹¹⁾ **Okonyorwa kwabeire!**

⁽¹²⁾ **Egetureri kia gatano**

nigo gekoarigania

OMOERIO bw’ense.

Chindoto na Amaroro

Egesieri 512-2, Oborori Namba 6

⁽¹⁾ Erioki ri’ekeronga ki’eora nigo ribwekaine omoori omonene mono bw’erioki erio rietanaine ense na rikoyebekera esumo. Nigo rire eria Nyasae. Omoori bw’erioki nigo otubete ense pi.

⁽²⁾ Ense yonsi nigo yechandete igoro y’omoori oyo bw’erioki erio mwanabanto batarochi. Nigo rire eria Nyasae, eri’obobani. Nigo rire erioki erio rikobeka esumo.

⁽³⁾ Inkarora ebisusuro bike ase oborori. YESO agantebia nyuma y’okoigora ebimanyererio bitano na bibere, aise kong’orokia ebimanyererio bionsi ase oborori, na amakumia bikorenta, nigo nare gokwa king’endererete namaroro.

⁽⁴⁾ Nigo nare gocha gokwa, eke nakio kiagerete akandorera amabera tanyorokia endamwamu ya Nyasae igoro ase ense.

⁽⁵⁾ Obobani bwaorokigwe.

Chindoto na Amaroro

Egesieri 512-2, Oborori Namba 7

⁽¹⁾ YESO agantebia igoro ya Danieli, ng’a nigo amochetie gokwa engaki y’oborori. Eke nakio gekogera YESO akong’a eki ndanyare koremereria na korora, keria gioka keganeiri.

Jeanine Sautron